



ახალი

# ახალი

„მედნიერია ის, ვისაც  
სამშობლოსათვის უძგერს გული.“

2019 წელი 28 აპრილი № 4 № 8145

ელფოსტა AxaliGantiadi@gmail.com

გულმტკავთ!

# ქრისტე ატდგას!



# თეძის წყალსაცავის ისტორიული პროექტი



**“ჩვენი ამოსავალი წერტილი ყოველთვის გახლდათ სოფლად არსებული ეკონომიკური შესაძლებლობების მაქსიმალურად ათვისება, იმისათვის, რომ რაც შეიძლება სწრაფად გადავქციოთ ქართული სოფელი თანამედროვე სოფლად”, - განაცხადა მამუკა ბახტაძემ.**

უმსხვილესი საინვესტიციო პროექტის პრეზენტაციაზე საქართველოს პრემიერ-მინისტრმა მამუკა ბახტაძემ თეძის წყალსაცავის პროექტს ისტორიული უწოდა და აღნიშნა, რომ პროექტის მთავარი მიზანი ქართული სოფლის გაძლიერებაა.

“ჩვენ ვიწყებთ ძალიან მნიშვნელოვან, მე ვიტყვოდი ისტორიული პროექტის განხორციელებას, რომლის მთავარი მიზანია ქართული სოფლის გაძლიერება, ვინაიდან ძლიერი სოფელი ნიშნავს ძლიერ ქართულ რეგიონებს და ძლიერი რეგიონი ნიშნავს ძლიერ საქართველოს.

ჩვენთვის ქართული სოფლის განვითარება იყო ერთ-ერთი მთავარი პრიორიტეტი.

სოფლის მეურნეობის განვითარებისთვის სასიცოცხლოდ აუცილებელია ძლიერი საირიგაციო სისტემების მშენებლობა. საქართველოში ფაქტობრივად ბოლო 50 წლის განმავლობაში არ აშენებულა ახალი წყალსაცავები.

2012 წელს საქართველოში საირიგაციო სისტემები განლაგებული იყო მხოლოდ 40 000 ჰექტარზე. ჩვენ შევძელით და ბოლო ექვსი წლის განმავლობაში ეს ციფრი გავზარდეთ 110 000 ჰექტარამდე. ხშირად ჩვენი ოპონენტები ამბობენ, რომ საქართველოში სოფლის მეურნეობას არ აქვს პერსპექტივა. მე მიჩნეობა კითხვა: როგორ შეიძლება დარგს ჰქონდეს

პერსპექტივა, როდესაც საირიგაციო სისტემებიც არ არსებობდა საქართველოში?”, - განაცხადა მამუკა ბახტაძემ. პრემიერ-მინისტრის თქმით, მდინარე თეძაზე აშენდება წყალსაცავი, რომელიც წელით 10 000 მოქალაქეს მოამარაგებს და შესაძლებელი გახდება 7 000 ჰექტრის მოცულობის მიწის მორწყვა, რომელიც დღეს ფაქტობრივად გამოუყენებელია.

“ეს არის მართლაც უნიკალური პროექტი, რომელიც ახალ სიცოცხლეს შემოიტანს შიდა ქართლში და კონკრეტულად, კასპის რაიონში.

საქართველოს ბუნებრივ სიმდიდრეებს შორის პირველ ადგილზეა წყალი და წყალთან დაკავშირებული რესურსები. შესაბამისად, წყლის რესურსების გამოყენებას განვიხილავთ როლი აქვს, თუ რამდენად წარმატებული იქნება ქვეყნის ეროვნული ეკონომიკა”.

მთავრობის მეთაურის თქმით, წყალსაცავით კასპის მუნიციპალიტეტის 22 სოფელი და 9 700 მოქალაქე ისარგებლებს. პროექტში 71 მილიონი ლარის ინვესტიცია განხორციელდება და 500 ადგილობრივი დასაქმდება.

“განსაკუთრებით ხაზგასასმელია, რომ ასეთი პროექტები მნიშვნელოვნად გააუმჯობესებს სოფლის მეურნეობის სექტორში დასაქმებული ოჯახების სოციალურ-ეკონომიკურ მდგომარეობას. ქვეყნის ეკონომიკის მთავარი პრი-

ორიტეტი გახლავთ, რომ დაძლეული იქნას არსებული, ყველაზე მტკივნეული გამოწვევა სიღარიბის სახით.

ჩვენი ამოსავალი წერტილი ყოველთვის გახლდათ სოფლად არსებული ეკონომიკური შესაძლებლობების მაქსიმალურად ათვისება, იმისათვის, რომ რაც შეიძლება სწრაფად გადავქციოთ ქართული სოფელი თანამედროვე სოფლად”, - განაცხადა მამუკა ბახტაძემ.

პრემიერ-მინისტრის თქმით, წყალსაცავის აშენებით იქნება შესაძლებელი და თანამედროველად განხორციელდეს ინფრასტრუქტურული და აგარული პროექტები, წყალსაცავის მიმდებარე ტერიტორია იქცეს ტურისტულ ზონად, განვითარდეს ტურიზმი.

“დაბოლოს, სწორედ ასეთი მასშტაბური პროექტების განხორციელებით გახდება შესაძლებელი მივაღწიოთ რეგიონების წინსვლას და სოფლების ფეხზე დაყენებას, რაც, დარწმუნებული ვარ, საბოლოო ჯამში ნიშნავს ძლიერ ქვეყანას და ძლიერ საქართველოს”, - განაცხადა მამუკა ბახტაძემ.

თეძის წყალსაცავიდან სასმელი წყლით 5 სოფელი მომარაგდება, კაშხალზე მოეწყობა ჰიდროელექტროსადგური.

წყალსაცავის პროექტი შედგენილია გარემოზე მინიმალური ზემოქმედებით. მშენებლობა მიმდინარე წელს დაიწყება და 47 თვეში დასრულდება.

# კასპში ზეპროპარკის მშენებლობა იწყება

პროექტს, რომლის ღირებულება 2,2 მილიონი ლარია, საქართველოს პრემიერ-მინისტრი მამუკა ბახტაძე გაეცნო.

მთავრობის მეთაურმა ხაზი გაუსვა ინოვაციების განვითარების ხელშეწყობის აუცილებლობას და მსგავსი

პროექტების ქვეყნის მასშტაბით განხორციელების მნიშვნელობას.

ტექნოპარკის მშენებლობა, რომელსაც საქართველოს რეგიონული განვითარებისა და ინფრასტრუქტურის სამინისტროს მუნიციპალური განვითარების ფონდი აფინანსებს, წლის ბოლოს

დასრულდება. პროექტის ფარგლებში აშენდება ორსართულიანი ნაგებობა, სადაც განთავსდება სამუშაო და სასწავლო ოთახები, ე.წ. ფაბ-ლაბი, საკონფერენციო და დამხმარე სათავსოები, საშუალო სივრცე. ასევე იგეგმება ღია ტერასის მოწყობა სხვადასხვა აქტივობისთვის.

პროექტში გათვალისწინებულია შეზღუდული შესაძლებლობების მქონე პირთა საჭიროებები.

# პროფესიული სასწავლებლის მშენებლობა წლის ბოლოს დასრულდება

მთავრობის მეთაურმა კასპის პროფესიული სასწავლებლის სამშენებლო სამუშაოები დაათვალიერა.

200 სტუდენტზე გათვლილი პროფესიული სასწავლებლის მშენებლობა კასპში წლის ბოლოს დასრულდება. პროექტის ღირებულება დაახლოებით 3,9 მილიონი

ლარია. აღსანიშნავია, რომ სასწავლებელთან ერთად მოეწყობა სპორტული ინფრასტრუქტურა და ეზო.

თანამედროვე სტანდარტების პროფესიულ კოლეჯში რეგიონისთვის პრიორიტეტული სოფლის მეურნეობასთან დაკავშირებული დარგების - მექანიზაციის, მეხალ-

ეობა-მეხილეობის სპეციალისტები და ვეტერინარები მომზადდებიან.

სასწავლებლის სტუდენტებს ასევე ექნებათ შესაძლებლობა, შეისწავლონ ელექტრომედიცინა, მაღალი ძაბვის ელექტროობა, ელექტროსამონტაჟო სამუშაოები, ამწის ოპერატორ-მექანიკოსობა.



# საქვეყნის ბოლოს კასპში უფასო მუშაო კაბეგორიის სტანდარტების სტადიონი დაიწყებს ფუნქციონირებას

გრძელდება კასპის ფეხბურთის ცენტრალური მოედნის მოწყობის სამუშაოები. სარეაბილიტაციო სამუშაოები მიმდინარეობს საფეხბურთო სკოლის შენობაშიც. მუნიციპალიტეტის მოსახლეობა სამუშაოების დასრულების შემდეგ მიიღებს კეთილმოწყობილ ფეხბურთის მოედანს და საფეხბურთო სკოლის შენობას, რომელიც ხელს შეუწყობს კასპში ფეხბურთის აღორძინების პროცესს.

სექტემბრის ბოლოს კასპში უფასო მუშაო კატეგორიის სტანდარტების სტადიონი დაიწყებს ფუნქციონირებას,

სამშენებლო სამუშაოები საქართველოს პრემიერ-მინისტრმა მამუკა ბახტაძემ ფეხბურთის ფედერაციის პრეზიდენტთან ერთად დაათვალიერა. მთავრობის მეთაურმა აღნიშნა, რომ სპორტის განვითარების ხელშეწყობა და ამ მიმართულებით ახალგაზრდების წახალისება მნიშვნელოვანი პრიორიტეტია, შესაბამისად მსგავსი პროექტების განხორციელება მთელი ქვეყნის მასშტაბით იგეგმება.

კასპის უეფას მეთორე კატეგორიის სტანდარტების სტადიონი, ხელოვნურსაფარიანი მოედნით, 520 მაყურებელზე

იქნება გათვლილი. ამასთან ერთად, რეკონსტრუქცია ჩატარდება ცენტრალურ საფეხბურთო მოედანს, საფეხბურთო სკოლას და საკარჯიშო მოედანს. პროექტის ღირებულება 2,5 მილიონი ლარია.

პრემიერ-მინისტრთან ერთად სტადიონზე რეგიონის გუბერნატორი გიორგი ხოჯევანიშვილი და კასპის მაჟორიტარი დეპუტატი ირაკლი მეზურნიშვილი იმყოფებოდნენ. მთავრობის მეთაური კასპის სპორტკომპლექსსაც სტუმრობდა, სადაც მიულოსა და კალათბურთის დარბაზები დაათვალიერა და სპორტსმენებს გაესაუბრა.

ხსოვნა გულისა



30 წელი შესრულდა საქართველოში 1989 წლის 9 აპრილის ტრაგედიიდან.

დღის გმირების ხსოვნას. ღონისძიება საქართველოს ეროვნული გმირის მერაბ კოსტავას სახელობის სკვერიდან დაიწყო.

კვირეული გზის მოსაზრებები

სოფელ ქვემო გომში შიდა სახელმწიფო საჩვენებელი, სანახაობრივად ძალიან საინტერესო შემეცნებითი ღონისძიება გამართეს კასპის პირველი საბავშვო ბაგა-ბაღის /გამგე მზია ჭაღიაშვილი/ 4-5 წლიანი ჯგუფის აღსაზრდელებმა.

5,5 კილომეტრი გზის მონაკვეთზე მოსაფალტება დაიწყო. სამუშაოებს, რომელზეც 2 962 869 ლარი დაიხარჯება, შპს "იბოლია" და შპს "მარა" ახორციელებენ.

"მოურავის" მიერ შესრულებული სიმღერის "შავლეგოს" ფონზე გვირგვინით შეამკეს. წმინდა ვახტანგ გორგასლის სახელობის ტაძარში მოღვაწე მამა გიორგიმ გარდაცვლილთა სულის მოსახსენიებელი პარაკლისი ჩატარა.

საქართველოს საგარეო საქმეთა სამინისტროს და სსიპ ნატოსა და ევროკავშირის შესახებ საინფორმაციო ცენტრის ორგანიზებით კასპის მუნიციპალიტეტის მერიაში შეხვედრა გაიმართა.

შეხვედრა მუნიციპალიტეტის მერიაში



და დაგეგმარების სამმართველოს უფროსმა ბექა ზარანდიამ.

კასპის მუნიციპალიტეტის მერის მოადგილემ ზაზა მარიაშვილმა მადლობა გადაუხადა სტუმრებს სრული ინფორმაციის მიწოდებისათვის.

მოკლედ, მუსიკის /მასწავლებელი შორენა ჯოჯიშვილი/ ღია გაკვეთილი დინამიურად დაიწყო.



საჩვენებელ ღია გაკვეთილს ესწრებოდნენ კასპის მუნიციპალიტეტის სკოლამდელი აღზრდის დაწესებულებების გაერთიანების დირექტორი მანანა ხვთისიაშვილი, სპეციალისტები ნია ჯუხარიძე და მათა მანუშვილი, სტუმართა შორის იყვნენ აგრეთვე, ქალაქისა და სოფლების საბავშვო ბაგა-ბაღების მუსიკის მასწავლებლები, აღსაზრდელების მშობლები.

გაკვეთილი მუსიკის მასწავლებელმა შორენა ჯოჯიშვილმა წარმართა კითხვა-პასუხის რეჟიმში, სადაც, ფაქტიურად ყველა ბავშვი აქტიურად და ხალისით მონაწილეობდა.

ღია გაკვეთილის ყველაზე მნიშვნელოვანი ეტაპი გახლდათ ძირითადი თემის, წელიწადის დროების განხილვა, ყურადღება გამახვილდა გაზაფხულზე.

სუხეს მასწავლებლის მიერ დასმულ შეკითხვებს მუსიკალურ თემებზე, მაგალითად, ნოტების ცოდნა. აგრეთვე, უშეცდომოდ დაასახლეს მასწავლებლის მიერ ნაჩვენები მუსიკალური ინსტრუმენტების /ფანდური, დოლი, ფორტეპიანო, სალამური, გარმონი და სხვა/ სახელწოდებები, ბავშვები კარ-

სკოლამდელი აღზრდის დაწესებულებების გაერთიანება

ღია გაკვეთილი თემებზე

ტერ კლასი" უჩვენეს სტუმრებს... - საგანმანათლებლო პროგრამებისა და მეთოდოლოგიური სწავლების პროცესის დაძლივვა ჩვენი უპირველესი მიმართულება გახლავთ, - განმარტავს კასპის მუნიციპალიტეტის სკოლამდელი აღზრდის დაწესებულებების გაერთიანების დირექტორი მანანა ხვთისიაშვილი, - საბავშვო ბაღის აღმზრდელ-მასწავ-

ლებელს, დაწესებულებაში მომუშავე პერსონალს აქვს კარგად შემუშავებული, მეთოდოლოგიურად დახვეწილი და ეფექტური სასწავლო პროცესის პროგრამა, რომელიც გამოიხატება კულტურულ-შემეცნებითი ღონისძიებებითა და მხიარული ესტაფეტებით, ღია გაკვეთილებით, ეს ყველაფერი, ცხადია, მნიშვნელოვნად უწყობს ხელს აღსაზრდელების სწორად განვითარებას, მოქმედების მოტივაციის გაზრდასა და გააქტიურებას.

გაკვეთილი მუსიკის მასწავლებელმა შორენა ჯოჯიშვილმა წარმართა კითხვა-პასუხის რეჟიმში, სადაც, ფაქტიურად ყველა ბავშვი აქტიურად და ხალისით მონაწილეობდა.

გად ერკვევიან, ესა თუ ის მუსიკალური ნაწარმოები მხიარულია თუ სევდიანი, ერთი სიტყვით, ყველაფერი, რომელშიც 4-5 წლის ასაკის ბავშვები ირიცხებიან, როგორც იტყვიან, ნამდვილი "მას-

გად ერკვევიან, ესა თუ ის მუსიკალური ნაწარმოები მხიარულია თუ სევდიანი, ერთი სიტყვით, ყველაფერი, რომელშიც 4-5 წლის ასაკის ბავშვები ირიცხებიან, როგორც იტყვიან, ნამდვილი "მას-

გად ერკვევიან, ესა თუ ის მუსიკალური ნაწარმოები მხიარულია თუ სევდიანი, ერთი სიტყვით, ყველაფერი, რომელშიც 4-5 წლის ასაკის ბავშვები ირიცხებიან, როგორც იტყვიან, ნამდვილი "მას-

გად ერკვევიან, ესა თუ ის მუსიკალური ნაწარმოები მხიარულია თუ სევდიანი, ერთი სიტყვით, ყველაფერი, რომელშიც 4-5 წლის ასაკის ბავშვები ირიცხებიან, როგორც იტყვიან, ნამდვილი "მას-



აღმოჩენა

მეოთხე საუკუნის რომაული სამაროვანი

ცოტა ხნის წინ ხოვლელმა ზურაბ ბიჭიკაშვილმა თავის სახლთან, /სოფლის საჯარო სკოლასთან ახლოს/ სრულიად მოულოდნელად მეოთხე საუკუნის რომაული სამაროვანს "მაგნი". საქმე ის გახლავთ, რომ მან ეზოში სამშენებლო სამუშაოების დროს, მიწის სიღრმეში უძველესი სამარხი აღმოაჩინა... არქეოლოგიის დარგის სპეციალისტების განმარტებით მიწის ზედაპირიდან 0,6 მეტრზე გამოვლინდა ძველი წელთაღრიცხვის მეოთხე საუკუნის მართ-



კუთხა ქვასამარხი /ზომები: 0,88:0,7 მეტრი/, რომელიც დამსრობილია აღმოსავლეთიდან დასავლეთით. სამარხში აღმოჩენილი მოკრუნულ პოზაში,

თავით დასავლეთით დაუკრძალავთ. მათივე კომენტარით, სამარხში აღმოჩნდა თიხის მსხლისებური ფორმის ხელადა და კოჭობი, ბრინჯაოს ერთი თავგაბრტყელებული და ორნამენტირებული საკინძი, სარდიონის მძივი, /11 ცალი/ და მინის საკიდი... ზემოთ ნახსენები ნივთების გარდა, სამარხში კიდევ ერთი, მცირე

ზომის ჭურჭელი იდო, რომელიც დაშლილია. - მართლაც რომ საოცარი სიფრთხილე და ოპერატიულობა გამოიჩინა ხოვლის მკვიდრმა ზურაბ ბიჭიკაშვილმა, რომელმაც ამ სენსაციური აღმოჩენისთანავე იმწამსვე შეგატყობინა, - საუბრობს კასპის მუნიციპალიტეტის მუზეუმების გაერთიანების დირექტორი გივი

მელაძე, - რაც ყველაზე მნიშვნელოვანი და საგულისხმოა, მანვე, აღმოჩენილი ისტორიული ძეგლის დაცვის მიზნით, ეს უიშვიათესი და უნიკალური ნივთები შეინახა და სამარხი ფიცრებით გადახურა. მოკლედ, აღმოჩენილი სამაროვანის სანახავად და სიტუაციის შესაფასებლად საქართვე-

ლოს კულტურული მემკვიდრეობისა და ძეგლთა დაცვის სააგენტომ ხოვლელმა მოაგვინა ვახტანგ შატბერაშვილი /საქართველოს ეროვნული მუზეუმი/ და თამარ ნინიაშვილი /ძეგლთა დაცვის სააგენტო/. რასაკვირველია, ეს უნიკალური სიძველე ბოლომდე არ არის შესწავლილი და გამოკვლეული და ბუნებრივია, იგი საჭიროებს მეცნიერულ შესწავლასა და კვლევას. თქმა უნდა, გამოიცხადებული არ არის, რომ მის გვერდით, შესაძლოა კიდევ იყოს სხვა სამარხიც, ამიტომ მკვლევართა აზრით აუცილებელია აღმოჩენილი სამარხის ბოლომდე გათხრა და შესწავლა /გაწმენდა, ჩახატვა, ფოტოფიქსაცია/... ამდენად, აღმოჩენის გარშემო აუცი-



ლებელია 12 კვადრატული მეტრის ფართობის ტერიტორიაზე და ერთი მეტრის სიღრმეზე საკონტროლო თხრილის გაკვლევა. ისიც ითქვამს ხაზგასმით, რომ გათხრების შედეგად მოპოვებული უძველესი არქეოლოგიური მასალა გადაეცემა გიორგი ხორგუაშვილის სახელობის კასპის მხარეთმცოდნეობის მუზეუმს.



ქართული ენის კვირეულის ფარგლებში

შენ ჩემო მნეო და ჩემო მზეო, შენ ჩემო ღმერთო, შენ ერთადერთო, შენ ხარ რწმენა ზაგეთა ჩემთა, და იყავნ რწმენად შენ შვილთა ჩემთა!

ორ მნიშვნელოვან თარიღს, ქართული ენის დღესა და ცნობილი ქართველი მწერლისა და საზოგადო მოღვაწის გიორგი შატბერაშვილის ხსოვნას მიეძღვნა ღონისძიება, რომლის ორგანიზატორები გახლდათ კასპის მუნიციპალიტეტის მუზეუმების გაერთიანება და გიორგი ხორგუაშვილის სახელობის კასპის მხარეთმცოდნეობის მუზეუმი, კასპის მოსწავლე-ახალგაზრდობის სახლი, საინფორმაციო მხარ-

დამჭერი გაზეთი "ახალი განთიადი"... საზეიმო ღონისძიება კავთისხევიდან დაიწყო. სახელგანთქმული მწერლის მშობლიურ კავთისხევიში, სოფლის ცენტრში აღმართულ გიორგი შატბერაშვილის ბიუსტთან თავი მოიყარეს კასპის მუნიციპალიტეტის მერიისა და საკრებულოს ხელმძღვანელმა მუშაკებმა, მუნიციპალიტეტის კულტურის სამსახურის წარმომადგენლებმა, მოსწავლეებმა და ახალგაზრდებმა,



დედაქალაქიდან სპეციალურად შეხვედრაზე მოწვეულმა გიორგი შატბერაშვილის ახლობლებმა. მოწვეულმა სტუმრებმა და მუზეუმის თანამშრომლებმა მწერლის ხსოვნას წუთიერი ღუმილით პატივი მიიგეს და ყვავილების გვირგვინით შეამკეს მისი ბიუსტი.

შემდეგ კი, ღონისძიების არანაკლებ საინტერესო, ლიტერატურული ნაწილი კასპის მხარეთმცოდნეობის მუზეუმში შედგა... დარბაზში შეკრებილ საზოგადოებას, რომელთა შორის იყვნენ კულტურის, მუზეუმებისა და ბიბლიოთეკების გაერ-

ეს ნაწევრები გიორგი შატბერაშვილის რომანებიდან და მოთხრობებიდან. გიორგი შატბერაშვილის ცხოვრებასა და მოღვაწეობაზე საინტერესო მოგონებებით გამოვიდნენ მწერლის ძმისწულები: ლიტერატორი ივანე და არქეოლოგი ვახტანგ შატბერაშვილები... გიორგი შატბერაშვილის ღვაწლსა და

მომადგენელმა ამირან ტალახაძემ, ბიბლიოთეკების გაერთიანების სპეციალისტმა ლია მენაბდიშვილმა, პედაგოგმა მანანა ყაბანაშვილმა... ღონისძიების მსვლელობის პროცესში დარბაზში დამონტაჟებულ ეკრანზე მიმდინარეობდა მწერლის ცხოვრებისა და მოღვაწეობის ამსახველი ვიდეო-მასალის ჩვენება, რომელიც ტექნიკურად



დამსახურებაზე ისაუბრეს კასპის მუნიციპალიტეტის მერიის განათლების, კულტურის, სპორტის სამსახურის უფროსმა თეა ხორბალაძემ, მუნიციპალიტეტის მუზეუმების გაერთიანების დირექტორმა გივი მელაძემ, კასპის ბიბლიოთეკების გაერთიანების დირექტორმა ეთერ ჩადუნელმა, ქალაქის სპორტკომპლექსის წარ-

უზრუნველყო მუზეუმის საზოგადოებასთან ურთიერთობის სპეციალისტმა ხატია ხორგუაშვილმა. ღონისძიების დასრულების შემდეგ შეხვედრის მონაწილეებმა მოწვეულ სტუმრებთან ერთად სამასოვრო ფოტოც გადაიღეს.

კასპის მუნიციპალიტეტის მუზეუმების გაერთიანება.



“თუ მთაწმინდის ტაძარს დახურავთ, აიღეთ მა მეც თავი მომკვეთეთ”

ს რ უ ლ ი ა დ საქართველოს კათოლიკოს-პატრიარქი, მცხეთათბილისის მთავარეპისკოპოსი ეფრემ მეორე (გრიგოლ სიდამონიძე).

✦ კასპის მოსწავლე-ახალგაზრდობის სახელში ჩატარდა ღონისძიება სახელწოდებით “ქრისტეს მხედრები”, ეს იყო თემა, რომელიც მიზნად ისახავდა ჩვენი რაიონის სასულიერო და საზოგადო მოღვაწეების, წმინდანად შერაცხული ხუთი ძმა კარბელაშვილების, ახალმოწამე დეკანოზის პანტელეიმონ გედევანიშვილისა და საქართველოს კათოლიკოს-პატრიარქის ეფრემ მეორის ცხოვრებისა და მოღვაწეობის გაცნობას... მოსწავლეთა სახლის მხარეთმცოდნეობის წრის ბავშვებმა, მარიამ თივთვილიძემ, უჩა გოგოლაძემ, ქეთი ჭალისურმა, თამარ გოჭოშვილმა, მათა თაბუაშვილმა, ანზორ დალაქიშვილმა, ნანა ილურიძემ, თემურ ირემაშვილმა, ანა ბაისონაშვილმა, ბექა რომაშვილმა, ბერუაშვილმა, ლუკა და მარიამ მერებაშვილებმა დაუვიწყარი, ემოციური შეხვედრა გაუმართეს მოწვეულ სტუმრებსა და პედაგოგ-მოსწავლეებს, თანატოლებს.

— მოგესხენებათ, ჩვენი წრის მოსწავლეები ყოველთვის დიდი ინტერესით და მონდომებით ეკიდებიან რელიგიური თემატიკის გაცნობასა და შესწავლას, მითუმეტეს, როდესაც საკითხი ჩვენი რაიონის საამაყო წარსულის მქონე პირებს ეხება, — საუბრობს მოსწავლე-ახალგაზრდობის სახლის მხარეთმცოდნეობის წრის ხელმძღვანელი ნანა მერებაშვილი, — ჰოდა, ზუსტად

ასე მოხდა ამჯერადაც, მთაწმინდის სულ მცირე მონაკვეთში მოახერხეს წმინდანთა ცხოვრებისა და მოღვაწეობის გაცნობა, გააზრება, თანაც ისე, რომ სხვებისთვისაც შეექმნათ დასამახსოვრებელი, სრულიად განსხვავებული განწყობა.

... დაიხ, ბავშვები თითქმის საათნახევრის განმავლობაში კითხულობდნენ ამონარიდებს სასიკადალო მამულიშვილების ცხოვრებიდან, იმის შესახებ, თუ რა დიდი დამსახურება მიუძღვით მათ სამშობლოს თავისუფლებისა და ქართული ეკლესიის ავტოკეფალიის აღდგენისათვის ბრძოლაში. ხატუნად, შთამბეჭდავად კითხულობდნენ წმინდანთა გმირული თავგანწირვის ამბებს: კავთისხეველი ახალმოწამე დეკანოზი პანტელეიმონ გედევანიშვილი, რომელმაც განსაცდელის უამს არ მიატოვა, კალთა გადააფარა თავის სულიერ შვილებს და მათთან ერთად დახვრიტეს ჯალათებმა, ყვებოდნენ ძმები კარბელაშვილების სულშიჩამწვდომ ისტორიებს, მოსწავლეებმა დამსწრე საზოგადოებას ვრცლად, საინტერესოდ წარუდგინეს საქართველოს კათოლიკოს-პატრიარქის ეფრემ მეორის ცხოვრება, ღვაწლი და დამსახურება.

ეფრემ მეორე, ერისკაცობაში გრიგოლ სიდამონიძე დაიბადა 1896 წლის 19 ოქტომბერს, გორის მაზრაში, სოფელ დოესში. თორმეტი წლის ასაკში დაობლებულა, მამამ, შიომ, რომელიც იმხანად მედავითნე იყო, შვილი გორის სასულიერო სასწავლებელში მიიბარა. სასწავლებლის დასრულების შემდეგ გრიგოლ სიდამონიძემ თბილისის სა-

სულიერო სემინარიაში განაგრძო სწავლა, რომლის დამთავრების შემდეგ, უფრო ზუსტად კი, 1925 წელს თბილისის სახელმწიფო უნივერსიტეტში სიბრძნისმეტყველების ფაკულტეტზე სიტყვიერების განყოფილებაზე სწავლობდა... 1922 წლის 17 იანვარს გრიგოლი ბე-



რად აღიკვეცა ეფრემის სახელით, მეორე წელსვე იგი დაინიშნა შიომღვიმის მონასტრის წინამძღვრად, შემდეგ იყო არქიმანდრიტი და მცხეთა-თბილისის ეპარქიის ქორეპისკოპოსი. საქართველოს მომავალი პატრიარქი ეფრემი 1927 წელს გახდა



მღვდელმთავარი. სიონში ინახებოდა ტრაპეზის სახარება, რომელიც ამჟამად დაცულია სვეტიცხოვლის ტაძარში და სახარებას აქვს წარწერა: “ მე მიტროპოლიტმან სიდამონიძემ შევწირე ესე სახარება”. 1930 წელს იგი დაინიშნა ურბნისის ეპარქიის მმართველად, 1960 წლის

10 იანვარს, საქართველოს პატრიარქის მელქისედეკ მესამის გარდაცვალების შემდეგ, 20 თებერვალს საქართველოს კათოლიკოს-პატრიარქად აირჩიეს მიტროპოლიტი ეფრემი... საქართველოს სულიერ საჭეომპყრობელს უმძიმეს პერიოდში მოუხდა ერის წინამძღვრობა, პატრი-

არქობამდე, ღმერთისა და საქართველოს სიყვარულისათვის იგი რამდენჯერმე იმყოფებოდა გადასახლებაში, გადასახლებიდან გათავისუფლებული, ჯანმრთელობა შერყეული იმდენად მძიმე მდგომარეობაში იყო, რომ ნაბიჯის გადადგმაც კი არ

შეეძლო, ეგონათ, საქართველომდე ვეღარცკი ჩააღწევსო, იმასაც ამბობდნენ, რომ მისი საბუთები სტალინის მაგიდაზე მოხვედრილა, გადასახლებულთა შორის სტალინს უნახავს გორის მაზრიდან გრიგოლ შიოს ძე სიდამონიძის საბუთებიც, მათ ხომ ერთპერიოდში უხდე-

# “ქრისტეს მხედრები”

ბოლოდ სწავლა სასულიერო სემინარიაში, თითქმის ერთი ასაკისანი იყვნენ და ცხადია, ეფრემის განთავისუფლებას საპრობილიდან სწორედ მას მიაწერდნენ... ეფრემ მეორის მოღვაწეობიდან ცნობილია ერთი ასეთი ფაქტიც, მაშინ, როდესაც საქართველოში მასიურად დაიწყო სასულიერო სასწავლებლების, ეკლესიამონასტრების დახურვა და მხოლოდ თითოთროლა ტაძარიდა მოქმედებდა და მხოლოდ თითოთროლა ტაძარზე, მინისტრთა საბჭოს რელიგიის საქმეთა რწმუნებულის აპარატმა პირდაპირ მოსთხოვა უწმინდეს ეფრემს მამადავითის დახურვა. აი, მაშინ პატრიარქმა ასეთ ხერხს მიმართა, მინისტრთა საბჭოს თავმჯდომარეს ნაჯახით ხელში ესტუმრა და განუცხადა: თუ მთაწმინდის ტაძარს დახურავთ, აიღეთ მა მეც თავი მომკვეთეთ და თუ თქვენ არ გააკეთებთ ამას, მაშინ მე მოვიკლავ თავს და მთელი მსოფლიო გაიგებსო. სიტყვიერად კი გამოცხადდა ტაძარი დაიხურაო, მაგრამ იქ, ერთი წუთითაც კი არ შეჩერებულა წირვა-ლოცვა.

ყველაზე საოცარი კი, ის განლაგდა, რომ იმხანად, კავშირის მასშტაბით, ერთმანეთის მიყვლებით, ყველგან იხურებოდა სასულიერო სასწავლებლები, სემინარიები და სწორედ მაშინ უწმინდესმა ეფრემ მეორემ თბილისში გახსნა ორწლიანი საღვთისმეტყველო-სამოძღვრო სასწავლებელი, რომელიც შემდეგ სემინარიად გადაკეთდა და

სხვათა შორის, ამ სასწავლებლის პირველი რექტორი გახლდათ სრულიად საქართველოს კათოლიკოს-პატრიარქი, უწმინდესი და უნეტარესი ილია მეორე.

უწმინდესი და უნეტარესი ეფრემ მეორე გახლდათ მსოფლიო საეკლესიო საბჭოს წევრი, მის უწმინდესობას მინიჭებული ჰქონდა ღვთისმეტყველების დოქტორის სამეცნიერო ხარისხი, მის კალამს ეკუთვნის ნაშრომები ქართული მართლმადიდებელი სამოციქულო ეკლესიის ისტორიის დარგში... 47 წელი გავიდა მისი გარდაცვალებიდან, იგი აღესრულა 1972 წლის 7 აპრილს, ხარება დღეს, დაკრძალულია თბილისში, სიონის საკათედრო ტაძარში.

მოსწავლეთა მიერ გამართულ შეხვედრას ესწრებოდა და დადებითად შეაფასა წარმოდგენილი შემეცნებითი ღონისძიება კასპის მუნიციპალიტეტის სახელოვნებო სკოლების გაერთიანების დირექტორმა ლალი ჯანჯალაშვილმა. სიტყვებით გამოვიდნენ მოსწავლე-ახალგაზრდობის სახლის მენეჯერი ლელა პეტრიაშვილი, სახელოვნებო სკოლების გაერთიანების სპეციალისტი იზაბელა კობიაშვილი, მშობელი მარიამ კანთელაშვილი... ღონისძიება მხატვრულად გააფორმა მოსწავლეთა სახლის ხატვის წრის ხელმძღვანელმა მაკა თათრიშვილმა.

**კასპის მუნიციპალიტეტის სახელოვნებო სკოლების გაერთიანება.**

## კონკურსი - „ეტიუდების საუკეთესო შემსრულებლები“

კონკურსის ბოლო აკორდი გახლდათ გამარჯვებულების დაჯილდოების ცერემონიალი, რომელმაც ეს ღონისძიება კიდევ უფრო დასამახსოვრებელი და შთამბეჭდავი გახადა...

მოკლედ, კონკურსში გამარჯვებული მუსიკოს-შემსრულებლები დაჯილდოვდნენ პირველი, მეორე და მესამე ხარისხის სიგელებით. — საგანგებოდ უნდა აღინიშნოს ის გარე-

მოება, რომ ზოგიერთ მოსწავლეს სახლში ინსტრუმენტიც კი არ გააჩნია, — განაცხადეს სახელოვნებო სკოლების წარმომადგენლებმა და ჟიურის წევრებმა იზაბელა კობიაშვილმა და დემურ ღვინაძემ.

თუმცა კონკურსანტებმა შეძლეს და მოახერხეს პროფესიული ღონის ჩვენება, ცხადია, ეს ყველაფერი სამუსიკო სკოლის მთელი პედაგოგიური კოლექტივის, კერძოდ კი, მზია ნა-

ღირაძისა და მათი სები-სკვერადის დაუღალავი შრომის შედეგია.

დაბოლოს, მოსწავლეებსა და მოსწავლეებს მიეცათ რეკომენდაცია, ღონისძიებები კიდევ უფრო გააფაროვდეს და მონაწილეობა მიიღონ რეგიონალურ კონკურსებში...

კონკურსის დასრულების შემდეგ მოსწავლეებსა და მშობლებმა მადლობა გადაუხადეს მოწვეულ სტუმრებს და მათთან სამახოვრო ფოტოც გადაიღეს.



კავთისხევის სამუსიკო სკოლაში /მენეჯერი მზია ნადირაძე/ ჩატარდა მუსიკალური კონკურსი “ეტიუდების საუკეთესო შემსრულებლისათვის”.

ნორჩმა მუსიკოს-შემსრულებლებმა სანიმუშოდ წარმოადგინეს ტექნიკური მიმართულების ნაწარმოებები...

კონკურსის ესწრებოდნენ კასპის მუნიცი-

პალიტეტის სახელოვნებო სკოლების გაერთიანების წარმომადგენლები, სკოლის მოსწავლეების მშობლები და სოფლის აქტივის წევრები.

**სრულად სავსეა კაიროს-  
კაფრთაჰის, ახლოს-მცოდნის  
მსაჯულთა-სამართლის, ჯიქინოსისა და სხვა-  
სხვათა დიფერენციალთა, უნივერსიტეტისა და  
უნივერსიტეტის ილია II-ის განხილვა  
მისთვის სულს მოსახსენებლად**

ყოველი ოჯახი მძიმედ განიცდის უახლოესი წევრის გარდაცვალებას და გამოხატავს თავის წუხილს, მაგრამ ბოლო დროს ეს დამახინჯებული ფორმით ვლინდება.

ხშირია შემთხვევა, როცა ახლობლები მრავალი წლის ან მთელი სიცოცხლის მანძილზე არ იხდიან შავ სამოსს და ჩამოშორებულნი არიან ყოველდღიურ ცხოვრებას.

უსაზღვრო გლოვა, გოდება, ტირილი მეტყველებს ადამიანს ურწმუნობაზე, იმაზე, რომ მას არ სწამს ღმერთი, არ სწამს სულის უკვდავება და თვლის, რომ გარდაცვლილი საშუალოდ დაკარგულია მისთვის, ამით კი ჭირისუფალი უდიდეს ცოდვას იღებს თავის თავზე, რადგან იგი არასწორი ქცევით მეტად ამძიმებს გარდაცვლილის უკვდავ სულს, ამძიმებს თავისი ოჯახის ცხოვრებას.

ყველამ უნდა იცოდეს, რომ ადამიანის გარდაცვალება არ ნიშნავს მის მოსპობას. ადამიანის სული ცოცხალია, უკვდავია და იგი მარადიულ ცხოვრებაში იმკვიდრებს იმ ადგილს, რასაც თავისი სარწმუნოებითა და ქცევით იმსახურებს. მიწიერი ჩვენი ცხოვრება არის მომზადება მარადიულობისათვის, იგია თითოეული ჩვენთაგანისათვის უდიდესი გამოცდა.

ბედნიერია, ვინც მართლმადიდებელი სარწმუნოებით, სიყვარულითა და კეთილი საქმით წარდგება ამ გარდაუვალი დღის წინაშე და მართალთა სავანის მკვიდრი გახდება.

ხშირია შემთხვევა, როცა კეთილი ადამიანი ტოვებს ამ წუთისოფელს, ანდა მცირე ასაკისა შეერთვის მარადიულობას, ამაშიაც ჩვენ უნდა დავინახოთ განგება უფლისა; ღმერთს ისინი ნაკლებად ცოდვილნი მიჰყავს თავისთან.

ყოველივე ამის გამო განვაჩინებთ:

1. ავადმყოფს აუცილებლად უნდა მოუყვანოთ მოძღვარი აღსარებისა და ზიარებისათვის, რადგან წმინდა ზიარება არის საკურნებელი სულისა და ხორცისა და ხშირია შემთხვევა, როცა წმინდა ზიარებით სასწაულებრივად განკურნებულა ადამიანი; ასევე, მეტად კარგია ავადმყოფისათვის ზეთის კურთხევა.

2. გარდაცვალების შემთხვევაში პირველივე დღიდან დასაფლავებამდე მიცვალებულის თავთან ჩაუქრობლად უნდა ენთოს სანთელი და კანდელი, უნდა იდგეს ხატი, ხორბალი, წყალი, ღვინო, მარილი და დღედაღამ ახლობლების მიერ უნდა იკითხებოდეს დავით წინასწარმეტყველის ფსალმუნები.

3. ფსალმუნის კითხვა (თუნდაც დღეში მხოლოდ ერთი კანონის) სასურველია, დასაფლავების შემდეგ ერთი წლის მანძილზე მაინც გაგრძელდეს.

4. გარდაცვლილს გულზე უნდა ეკიდოს ნაკურთხი ჯვარი.

5. თუ მიცვალებულის ახლობლები მოუნათლავია, კარგია თუ ისინი გარდაცვლილის დასაფლავებამდე მოინათლებიან; თუ მიცვალებულია მოუნათლავი, მისი მონათვლა არ შეიძლება.

6. საერთო პანაშვიდის დროს სასურველია საერო სიმღერებისა და მუსიკის ნაცვლად შესრულდეს საეკლესიო საგალობლები.

7. მიცვალებული უნდა დაიკრძალოს გარდაცვალებიდან 3-5 დღის განმავლობაში.

8. მიცვალებულს არ უნდა ჩაატანოთ ზედმეტი ტანსაცმელი და სხვა რაიმე ნივთი.

9. დასაფლავების დღეს, დილით ან წინა დამეს მოძღვარმა უნდა აუგოს წესი მიცვალებულს და უკურთხოს საფლავის მიწა, ღვინო, პური, მარილი, წყალი.

10. დასაფლავების დღიდანვე უნდა დაიდგას მღვდლის მიერ ნაკურთხი დროებითი ჯვარი (ხის, ლითონის ან სხვა მასალის), რადგან უკვარო საფლავს, წმინდა მამების სწავლებით ეშმაკი ეპატრონება.

11. გარდაცვლილის დაკრძალვის შემდეგ მისი სულის მოსახსენებლად მზადდება მოკრძალებული ქელენი მხოლოდ უახლოესი ნათესავებისა და ახლობლებისათვის, ქელენი არ უნდა გაგრძელდეს დიდხანს.

უკეთუ ადამიანი მარხვის დროს გარდაიცვალა, საჭმელი მზადდება მხოლოდ სამარხვო.

12. თუ ადამიანი გარდაიცვალა ხსნილში, კარგია, თუ

მისი ახლობლები გარდაცვლილის დასაფლავებამდე შეინახავენ მარხვას.

13. გარდაცვალებიდან 39-ე დღეს მოძღვარმა უნდა შეასრულოს პანაშვიდი, ხოლო მეორე დღეს და წლისთავზე მიცვალებულისათვის უნდა დაამზადდეს საკურთხი და ეკლესიაში შესრულდეს შეკვეთილი წირვა და პანაშვიდი.

14. მიცვალებულის ორმოცი უნდა გადაიხადოს გარდაცვალებიდან ზუსტად მეორე დღეს, ან წინა დღეს, რადგან მეორე დღეს ხდება გარდაცვლილის სულის დამკვიდრება მისთვის განკუთვნილ სავანეში.

წლისთავიც უნდა გადაიხადონ გარდაცვალებიდან ზუსტად ერთი წლის შემდეგ, ორივე შემთხვევაში მიცვალებული სულის საოხად გამზადებული საჭმელი მარხვაში უნდა იყოს სამარხვო, ხსნილში – სახსნილო.

15. ყოველ წელიწადს მიცვალებულთა ხსენების დღეს მისი ახლობლები უნდა ამზადებდნენ საკურთხს, რომელსაც დილით, წირვის დაწყების წინ მიიტანენ ტაძარში პანაშვიდისათვის.

16. მეტად კარგია თუ მიცვალებულის ახლობლები გააკეთებენ საკურთხს და ეკლესიაში მოძღვარს შეასრულებინებენ პანაშვიდს გარდაცვლილის დაბადების დღის, გარდაცვალებისა და ანგელოზის დღეებში. საკურთხი, ზეთი, ღვინო, წანდილი ან კოლიო (სხვა საჭმელიც შეიძლება).

17. განსაკუთრებული მნიშვნელობა აქვს მიცვალებულისათვის, თუ მისი ახლობლები ყოველ შაბათ-კვირას და დღესასწაულის დღეებში ესწრებიან წირვა-ლოცვას, ეზიარებიან და სუფისკვერს აგზავნიან საკურთხეველში გარდაცვლილის სულის მოსახსენებლად.

18. ქრისტიანის საფლავი არ უნდა იყოს მდიდრული, მიცვალებულის სულისთვის უკეთესია, თუ თანხა გაჭირვებულთ დაურიგდებათ.

19. მოძღვრის მიერ საფლავის კურთხევა კარგია მიცვალებულთა მოხსენების დღეებში.



20. ორმოცი დღის შემდეგ გარდაცვლილის ტანსაცმელი და ნივთები უნდა დაურიგდეს გაჭირვებულთ.

21. თვითმკვლელობით აღსრულებულის და მოუნათლავისათვის საეკლესიო წესების შესრულება საეკლესიო კანონების თანახმად აკრძალულია. მათ სახელზე მხოლოდ მოწყალეობა შეიძლება გაიცეს, საერთოდ მიცვალებულის სახელზე მოწყალეობის გაცემა მეტად კარგია.

22. თუ ფსიქიურად დაავადებული ადამიანი მოიკლავს თავს, მისთვის საეკლესიო კანონის თანახმად საეკლესიო წესების შესრულება ნებადართულია..

23. გარდაცვლილის ახლობლებს ეძლევათ ლოცვა-კურთხევა, ატარონ შავი ტანსაცმელი 40 დღე ან არაუმეტეს 1 წელი.

ერთი წლის შემდეგ შავი სამოსი აუცილებლად უნდა გაიხადოს ყველამ, შვილის, მეუღლის, ან მეტად ახლობელი ადამიანისათვის სიყვარული უნდა გამოიხატოს არა შავი სამოსის ტარებით, არამედ ლოცვით და მიცვალებულის სულისთვის ღვთის სათნო კეთილ საქმეთა აღსრულებით.



# სპორტული პანორამა

ჭიდაობა: კომპლექსის საგაზაფხულო შიდაპირველობები

\* 20 მარტი – კომპლექსის სამბოს საწვრთნელ-სამოსწავლო ჯგუფების აღსაზრდელები 11 წლით კატეგორიაში გამოიცადენ. სივლეებით დავიღოვდნენ გამარჯვებულები: ერეკლე მჭედელაძე, თემურ გოგრიჭიანი, ალექო ხიზამბარელი, თორნიკე ნაგელიშვილი, გურამ სენიაშვილი, ვასილ მერებაშვილი, გიორგი ხიზამბარელი, გიგა ხორგუაშვილი, ჯუმბერ თაბუაშვილი, ბექა მარქარაშვილი და გიორგი თვაური (წახალისდნენ პრიზორებიც).

\* 27 მარტი – ნორჩმა ძიუდოისტებმა ძალები მოსინჯეს 3 ასაკობრივ ჯგუფში. ყველაზე უმცროსთაგან (9-10-წლიანებში) იყოჩაღეს: ილია შარიფაშვილმა, ერეკლე მჭედელაძემ, ლუკა მღებრიშვილმა, ლუკა ჩადუნელმა, სოსო ბეგლარაშვილმა და ვოვიკო კონიაშვილმა; 11-12-წლიანებიდან სხვებს დაემჯობინენ: თემურ ოდოშაშვილი, ალექო ხიზამბარელი, თორნიკე გორჯოლაძე, ნიკა პაიაშვილი, ბექა ლაფერაშვილი, ნიკა ბასიაშვილი და ვანო ჭინიაშვილი; ხოლო 13-14 წლის ყმაწვილთაგან გამარჯვებები დაინარჩუნეს: გურამ სენიაშვილმა, გუგა გრიჭურაძემ, ვახტანგ მერებაშვილმა, დანი ჩერქეზიშვილმა, გიორგი ნათამძემ, სანდრო ახლოურმა და თამაზ თვაურმა (ყველაზე მეტი გამარჯვებული – 7 – სოფელ მეტეხიდანაა).

\* 13 აპრილი – საგაზაფხულო შიდაპირველობა მოეწყო თავისუფალი სტილის სექციის მოზარდებისთვისაც.

სხვადასხვა...

\* სპორტკომპლექსის დირექციამ (დირექტორი გიორგი ნიპარიშვილი) კარგი საჩუქარი მოუმზადა ნორჩ სპორტსმენებს:

3 დღის (29-31 მარტი) განმავლობაში მათ დიდი სისხარული და სიამოვნება მიანიჭა დედაქალაქში გამართული “თბილისის გრან პრის” გათამაშებაზე დასწრების შესაძლებლობით. ჭიდაობა ძიუდოში მსოფლიოს გამოჩენილი სპორტსმენების ტატამზე ხილვის საშუალება მიეცა წარმატებულ მოჭიდავეთა ერთ ჯგუფს, რომელშიც შედიოდნენ: თორნიკე გორჯოლაძე, ეკარაზმაძე, ანი აბუაშვილი, გიორგი ლალიაშვილი, ვალერი მღებრიშვილი, ბექა მარქარაშვილი, გიორგი რთველიაშვილი, დანი ჩერქეზიშვილი, ლუკა შეშაბერიძე, გუგა ჩერქეზიშვილი, სოსო ჟივიძე, კახა ხინიზოვი, გიორგი ხინიზოვი, ვასილ მერებაშვილი...

\* 3 აპრილს დაფუნდა შიდა ქართლის ქართული ჭიდაობის სამხარეო ფედერაცია. მის პრეზიდენტად არჩეულია იოსებ მამულაშვილი – კასპელი ვეტერანი მოჭიდავე, ამჟამად კასპის სპორტკომპლექსის წარმატებული მწვრთნელი; ვიცე-პრეზიდენტად – პაატა ღვინიაშვილი, საქართველოს 2-გზის აბსოლუტური ფალავანი ქართულ ჭიდაობაში (ქარელი), გენმდიენად – ომარ ლომიძე, ვეტერანი მოჭიდავე (ხაშური).

\* სპორტის საერთაშორისო დღესთან დაკავშირებით, რომელიც 6 აპრილს აღინიშნა, ჩატარდა ქ. კასპის საჯარო სკოლების მოსწავლეთა პირველობა 64-უჯრიან შაშში (კამპანია “თეთრი ბარათის” ფარგლებში). გუნდები წარმოდგენილი იყვნენ 4-4 მონაწილით (2-2 გოგონა და ვაჟი). პირად ჩათვლაში გამარჯვებულის სახელი ირგუნა ზურაბ კულუხოვა (მე-3 სკოლა), II იყო ნანა გურწიშვილი (მე-4 სკოლა), III – ლაშა ხუციშვილი (პირველი სკოლა).

საერთო გუნდურ ჩათვლაში ქულათა მაქსიმუმი დაა-

გროვა პირველი სკოლის ნაკრებმა, II ადგილი დაიკავეს მე-2, ხოლო III მე-4 სკოლის მოსწავლეებმა.

\* ყმაწვილმა მოჭადრაკეებმა: პირველ სკოლელმა პირველკლასელმა ანდრია ზაქარაშვილმა (რომელსაც ავარჯიშებს მამა, სპორტკომპლექსის მწვრთნელი მამუკა ზაქარაშვილი) და ზემოხანდაკელმა მისმა თანატოლმა ნიკო ჯანგიშერაშვილმა (მწვრთნელი ზაზა გორგაძე) 23-24 მარტს ქ. გორში გამართულ შიდა ქართლის მხარის 7-წლამდელ მოთამაშეთა შესარჩევ ტურნირში დაიკავეს, შესაბამისად, მე-2 და მე-3 ადგილები.

\* საქართველოში კარატეს ოფიციალური დაარსების 40-წლისთავისადმი მიძღვნილ მე-9 საერთაშორისო ტურნირში – (23-24 მარტი) წარმატებით გამოვიდა კლუბი “კასპის” 3 ნორჩი სპორტსმენი: II საპრიზო ადგილებზე გავიდნენ გიორგი შერმაღანი (6-7-წლიანთა შორის) და მარიამ მანძულაშვილი (10-11), ხოლო III ადგილზე – ლანა დავითაშვილი (8-9-წლიანები) – მწვრთნელი ალექსანდრე მანძულაშვილი.

\* ბერდია ბახტაძის შეგარდმა – შვილიშვილმა, 12 წლის ცოტნე ბახტაძემ, მარტის მიწურულს გაიმარჯვა ქ. გურჯაანის ტურნირში (46 კგ კატეგორიაში). იქვე მე-2 შედეგი ჰქონდა 30 კგ-ში მოასპარევე თემურ გოგრიჭიანს (მწვრთნელი ნუგზარ მამულაშვილი).

ჭიდაობა ძიუდო:

5-6 აპრილი, ქ. ტეპლიცე (ჩეხეთი) – ევროპის თასის გათამაშება (ჭაბუკთა შორის) – საქართველოს ნაკრების სახელით იასპარეზა ოთხმა კასპელმა სპორტსმენმა: გიგა ტატიაშვილმა, ირაკლი დემეტრაშვილმა, ბაქარ ერაშვილმა და ვალერი მღებრიშვილ-

მა. მათგან ჩემპიონი გახდა გიგა ტატიაშვილი (+90კგ.), ხოლო მესამე საპრიზო ადგილზე გავიდა ირაკლი დემეტრაშვილი (+90კგ.).

\* მარტის ბოლოს სტარტი აიღო საქართველოს საკალათბურთო პირველობის “გ” ლიგის გათამაშებამ 14-წლამდელ გოგონათა შორის. შეჯიბრების დებიუტანტად მოგვევლინა სპორტკომპლექსის ახალბედა მოთამაშეთაგან შემდგარი გუნდი. ლალი ხარაიშვილისა და დიანა ბაშარულის გოგონებს, ცხადია, ამ ეტაპზე, წარმატებულ გამოსვლას ვერ მოეხერხებოდა, მით უფრო, რომ მათ თამაშები უწყვეტ თბილისის “ბასტიონის” ორ, ქუთაისისა და ხაშურის გუნდებთან. ამდენად, თვით ჩვენი “კასპის” პირველად გამოჩენაა ნიშანდობლივი ფაქტი: რაიონის დონეზე ბრუნდება ქალ-გოგონათა კალათბურთი!

\* საკალათბურთო “გ” ლიგის გათამაშებაში მე-2 ტურის მატჩი გამართა, ასევე, 14-წლამდელ ვაჟთა გუნდმა (მწვრთნელი მიხეილ მაკვიციანი): “კასპმა” 9 აპრილს თბილისური ახალი სპორტის სასახლის არენაზე დაამარცხა “თელავის” გუნდი 47-41. ჩვენი ბიჭებიდან თავი გამოიჩინეს: კაპიტანმა დათო ნიკოლიშვილმა (27 ქულა), ლაშა გიორგი გულაროვმა (6), გიორგი წიკლაურმა (5)...

\* გაგაცნობთ კიკობქინის კლუბი “იმედის” მწვრთნელის – ოთარ თიბისის მოწაფეთა ვინაობას, რომლებიც მარტის ბოლოს წარმატებით გამოვიდნენ ქ. ახალციხის (მესხეთ-ჯავახეთის მხარე) საერთაშორისო ტურნირში (მონაწილეობდნენ ამიერკავკასიის სამივე რესპუბლიკის წარმომადგენლები). გვყავს 2 გამარჯვებული: გიორგი კუსრაძე (72 კგ) და ნიკა ბერიანიძე (32 კგ), ასევე, II ადგილის მფლობელი – გიორგი ახვერდოვი (35 კგ).



კასპის სპორტული კომპლექსი

\* ლევან ძამუკაშვილის ხსოვნა ასეთი წარმომადგენლობითი (მონაწილეთა გეოგრაფიული არეალის გათვალისწინებით) და ხანგრძლივი (მიმდინარეობის გრაფიკული დროის თვალსაზრისით) ასპარეზობა ჩვენს ქალაქში აქამდე ნამდვილად არ ჩატარებულა. დიან, სპორტკომპლექსის დირექციის ძალისხმევამ და სამუშაო ჯგუფის წევრთა მონაწილეობამ განაპირობა თითქმის 12-სათიანი ხანგრძლივობის ტურნირის უნაკლო და უხადო ჩატარება. 14 აპრილს კასპში საქართველოს სხვადასხვა ქალაქიდან და მხარიდან 150-ზე მეტმა მოზარდმა სპორტსმენმა მთიყვარა თავი.

ყველა ასაკობრივი ჯგუფისა და წონითი კატეგორიის გამარჯვებულსა და პრიზორებს გადაეცათ 2013 წლის დეკემბერში მოულოდნელად დაღუპული კასპელი 16 წლის



პერსპექტიული კარატისტის – ლევან ძამუკაშვილის სახელობითი დიპლომები, ხოლო გუნდური ასპარეზობის გამარჯვებულ თბილისური კლუბ

## მათი ხსოვნის ჭურჭირები

ლევან ძამუკაშვილი გუგა გუგაძე

“ალიგატორის” ნაკრებს – დიდი თასი. ადგილობრივი “კასპის” წარმომადგენლები უფრო პირადი პირველობის ორთაბრძოლებში წარმოჩნდნენ: გაჩემპიონდა მედია ხალიბეგაშვილი, მეორე ადგილი დაიკავეს გიორგი შერმაღანი და საბა ღვინიაშვილი, ხოლო მესამე – მარიამ მანძულაშვილმა, ლანა დავითაშვილმა და ზურაბ გოგიაშვილმა.

ძველმა და საცირკო არენის მქონე დარბაზმა შარშან პირველად უმასპინძლა და სპორტკომპლექსის დირექციამ (დირექტორი გიორგი ნიპარიშვილი) ამჯერადაც ყველაფერი იღონა შეჯიბრების ორგანიზაციულ მხარეზე, რამაც განაპირობა სათანადო დონეზე მისი ჩატარება.

ქართული სპორტის ყველაზე ეროვნულ სახეობაში – ჭიდაობა “ქართულში” – სპორტის ოსტატმა ელგუჯა გეჯაძემ ყველაზე სტაბილურ შედეგებს გასული საუკუნის 70-იან წლებში მიღწია, როცა გახდა საქართველოს ჩემპიონი, მოსწავლეთა შორის, “კოლმეურნის” საკავშირო საბჭოს პრიზიორი და “ქარიშხალას” სტუდენტთა სპარტაკიადის პრიზიორი... საქართველოს ფიზიკური კულტურისა და სპორტის ინსტიტუტის დამთავრების (1978 წ.) შემდეგ მუშაობდა კასპის რაიონის სოფელ ფერმაში – ფიზკულ-

ტურის პედაგოგად, მშობლიურ სოფელ მეტეხში – საჭიდაო სკოლის დირექტორის მოადგილედ... მოგვიანებით, ერთხანობას, მწვრთნელობდა: მის მიერ მომზადებულმა კასპის ნაკრებმა 1986 წლის იანვარში მოიპოვა სპორტსაზოგადოება “კოლმეურნის” ცენტრალური საბჭოს გუნდური ჩემპიონობა ქართულ ჭიდაობაში. აი, ვინ იყვნენ “მის” გუნდში: კახა ხოლოვი, კახა ხორბალაძე, სპარტაკ და გიორგი გორგაძეები, ბერდია ბახტაძე, თემურაზ დვალიშვილი, ზაზა ლალიაშვილი და გელა კენჭუაშვილი.

2014 წლის ივნისიდან (გარდაცვალებამდე) ელგუჯა გეჯაძე იყო ადგილობრივი თვითმმართველობის წარმომადგენლობითი ორგანოს – კასპის მუნიციპალიტეტის მაჟორიტარი დეპუტატი მეტეხის თემში; 2015 წლიდან – შპს “კასპის კეთილმოწყობის” დირექტორი. მისი სიცოცხლე ტრაგიკულად შეწყდა 2016 წლის იანვარში.



\* ელგუჯა გეჯაძის სახელობის: 2019 წლის 19 აპრილს მას დაბადებიდან 62 წელი შეუსრულდება (19.04.1957 – 16.01.2016)... ორიოდე დღით ადრე კი მის ნათელ ხსოვნას პატივი მიაგეს მეგობრებმა და კოლეგებმა, თანასოფლელებმა და კეტერანმა მოჭიდავეებმა.

ქ. კასპის საჭიდაო დარბაზში (ე.წ. “მრგვალში”) ქართული ჭიდაობის ეროვნული ფედერაციის პატრონაჟით გაიმართა ელგუჯა გეჯაძის ხსოვნისადმი მიძღვნილი ტურნირი ქართულ ჭიდაობაში (2004-06 წლებში დაბადებულ სპორტსმენტთა შორის). მსგავს შემორიალურ ტურნირს კასპის ყველაზე





# საადგომოდ ახე ენდროსფერია მიგონება

აღდგომის დღესასწაულს ყველა ქრისტიანი დიდი სიხარულით ხვდება. მათ იციან, რომ ქრისტე სამი დღის განმავლობაში აკლამაში ესვენა და შემდეგ აღდგა. საგანგებო წირვა-ლოცვისა და ლიტანიის გარდა, აღდგომას ყველა ქვეყანაში სხვადასხვანაირად აღნიშნავენ.

ალბათ, იცით, საქართველოში ქრისტიანები კვერცხებს წითლად ღებავენ. მართლმადიდებლები ფიქრობენ, რომ მხოლოდ წითელი ფერია დასაშვები. თუმცა, ზოგიერთი ადამიანი უცხო ქვეყნებში კვერცხებს სხვადასხვა ფერად ღებავს.

ჩვენს ქვეყანაში კვერცხების შესაღებად ენდროს იყენებენ. უფროსები წინასწარ მიდიან ბაზარში ან მაღაზიაში და ამ უცნაურ მცენარეს ყიდულობენ, რომელიც მოხარშვისას მუქ წითელ ფერს უშვებს. ენდროს გასაოცარი სუნი აქვს, თუმცა, ვერ ვიტყვით, რომ მაინცდამაინც მადისაღმძვრელი.

ენდროს სუნი მიწის და სხვადასხვა ბოსტნეულის სურნელს ერთად მოგაგონებს, მაგრამ სინამდვილეში, არც ერთის მსგავსია.

როცა ენდრო აღუდგება, უფროსები ქვაბში კვერცხებს აწყობენ. ბავშვების საყვარელი საქმიანობა მათი ყურება, ანდა მოხმარებაა. რა თქმა უნდა, ძალიან სასიამოვნოა კვერცხების წითლად შეღებვაში მონაწილეობის მიღება, თუმცა, მღუღარე წყალს უფრთხილდა.

როცა კვერცხები შეიღებება, უფროსები მას სამი დღის განმავლობაში ინახავენ. ეს იმიტომ, რომ კვერცხები არა აღდგომას, არამედ წითელ პარასკევს, აღდგომამდე სამი დღით ადრე იღებება. ყველაზე რთული ახლადშეღებილი კვერცხების ყურებაა, რადგან, მათ ხელი არ უნდა ახლო. აღდგომის დადგომის მერე კი შეგიძლია იმდენი კვერცხი აიღო, რამდენიც გაგეხარდება.

საქმე იმაშია, რომ სანამ პატარები ვართ და აღდგომის დღესასწაულის მნიშვნელობა ჩვენთვის გაუგებარია, წითელი კვერცხებით ვერთობით. თუმცა, აღიარებ, რომ ძალიან გიხარია აღდგომის დღის გათენება. შეიძლება იმიტომ, რომ ახლადგამომცხვარი პასკის სუნი გავლიძებს, ანდა, ერთი სული გაქვს, წითელ კვერცხებს როდის დაეპატრონები. ან, იქნებ იმიტომ, რომ ამ დღეს შენი ოჯახის ყველა წევრი განსაკუთრებულად კარგ ხასიათზეა, ბევრად უფრო კეთილები და ყურადღებიანები არიან, ვიდრე ჩვეულებრივ.



უფროსები ერთმანეთს ურეკავენ, ანდა, მეზობლებს და ნაცნობებს შეხვედრისთანავე ეუბნებიან – ქრისტე აღდგა! ისინი კი გაღიშებულები მიაძახებენ: – ჭეშმარიტადო.

ამ დროს, ჩვენ, ბავშვები კვერცხებით ხელში დავრბივართ და ვცდილობთ, ყველა სხვა კვერცხი გავტეხოთ. ძალიან ყურადღებით ვამოწმებთ კვერცხის წაგრძელებულ თავს,




კბილებზე ვიკაკუნებთ და ვარკვეთ, რამდენად მაგარია ჩვენი კვერცხის ნაჭუჭი. მოკლედ, აღდგომა შეჯობრებად გადაიქცევა ხოლმე; ყველაზე კარგი კვერცხი უნდა აირჩიო, რომლითაც დანარჩენი ბავშვების კვერცხების “დამარცხებას” შე-

გამარჯვებას. მე რამდენიმე წელი დამჭირდა იმისთვის, რომ ერთი შეხედვით მივხვდარიყავი, მოწინააღმდეგის კვერცხი ხის იყო თუ ნამდვილი.

ჯერ ერთი, ხის კვერცხს უცნაური ფერი აქვს, ოდნავ ხელოვნური, რომელიც საერთოდ არ ჰგავს ენდროს შეღებულს. კიდევ, ხის კვერცხებს ფორმაც არაბუნებრივად დახვეწილი და მომრგვალებული აქვთ, ასე რომ, არ შეცდეთ!

აღდგომის დამთავრებისას შესაძლოა ისე შეგიყვარდეთ თქვენი ყველაზე ღამაში და ძლიერი კვერცხები, რომ მათი შეჭმა დაგენანოთ და შენახვაც კი გადაწყვიტოთ.

ერთხელ ასეთი შეცდომა მე და ჩემმა დამაც დაუშვით. ჩვენი კვერცხები ღამაზე ყუთში ჩავალაგეთ და საწოლის ქვეშ დავმალეთ, უფროსებს რომ არ ეპოვათ. ყოველ საღამოს ყუთს ვნახულობდით და კვერ-



ძლებ; ეცადე, კარგად დაუმიზნო და გვერდით არ ჩაურტყა.

მთავარია, არ გამოგრჩეს ამ შეჯობრების “უსამართლო” მონაწილეები, მათ შეუძლიათ ყველა კვერცხის ნაჭუჭი ჩაამტვრიონ. არა იმიტომ, რომ მათი კვერცხი ყველაზე კარგია, არამედ იმიტომ, რომ ის საერთოდაც, ხისაა!!!

დაიხ, ზოგიერთი ბავშვი ხის კვერცხებით ცდილობს

ცხებს ვათვალისწინებდით ხოლმე. რამდენიმე კვირის შემდეგ ჩვენს ოთახში ძალიან ცუდი სუნი იდგა, თუმცა, ვერ ვხვდებოდით, რომ ამის მიზეზი გაფუჭებული კვერცხები იყო.

მოკლედ, ჩვენმა მშობლებმა საიდუმლო ყუთი

იპოვეს და დაძველებული კვერცხები გადაყარეს. ასე რომ, ნამდვილად არ გირჩევთ საადგომო კვერცხების შენახვას და მათი ცქერით დატკობას.

აჯობებს, შემდეგ აღდგომას დაელოდოთ და ისევ იმხიარულოთ, ეს დღესასწაული ხომ წელიწადში მხოლოდ ერთხელაა!

სიყვარულით “ქეხურა”.

# 30 წლის შემდეგ ...

ჯერ კიდევ 30 წლის წინ ვიცოდი, რომ წაკითხული მომავალი იგივეა, რაც მომბეზრებული სუბიექტური მონოგრაფია... მაგრამ, არ ვიცოდი, რომ პატრიოტიზმი შეიძლება გამოიყენო ყველაფრისთვის სამშობლოს სიყვარულის გარდა...

უნდობლობა, უიმედობა ყოველთვის ღრუნის აწყობს, მაგრამ არსებობს საყრდენი - ჯიუტი რწმენა (კიდევ კარგი!) უკეთესი მომავლისა.

სამოქალაქო, თუ ანექსიურ ომებში გამოწვრთბილი შინაგანი სიმტკიცე, თაობიდან თაობაზე გადმოცემული სისხლში გამაჯდარი პატიოსნება ფიროსმანის ნახატებზე მძაფრად ხატავს ჩვენი ყოფის შეუღამაზებულ ამბავს. მეცნიერებისა და ხელოვნების გაუაზრებელი სინთეზი, იოლადმრწმენათა მიუღებელი ხვედრი, დარღვეული პროპორციების აღდგენის სურვილი და ელიფსზე მოძრაობისას წონასწორობის შენარჩუნებაზე ფიქრი ... ეს მცირე ჩამონათვალი ჩინებულად იტევს ინტელექტუალთა დროში გავრცობილ მოლოდინებსა თუ იმედგაცრუებებს.

თუმცა, არსებობს საბაზრო ეკონომიკის მკაცრი სინამდვილე, სადაც არიან ადამიანები, რომელთაც ყოველდღიური საფიქრალი ცხრაათვიანი დევიით ყოველცისმარე ახალი ჯადოსანი ძალით აბრუნებს რეალურ ცხოვრებაში; სადაც თენდება სარჩოსა და წამლის ფულზე ფიქრში, დამდება ღმერთის და სიმართლის გაბრწყინების იმედით.

რთულად ისმინება, მაგრამ ნამდვილად ზუსტად გამოხატავს სათქმელს - რაოდენობრიობა იძენს თვისობრიობის ხარისხს ე.ი. ბევრჯერ რომ მოიტყუე თავი, შენ თვითონ აირჩიე აუტსაიდერის უმოქმედო მდგომარეობა.

გვიჭირს დაჯერება მაგრამ ფაქტია გაჩნდა “საზოგადოება” ფეისბუკით რომ იღებს განათლებას, პარალელურად გაჩნდნენ მცირედ განათლებული ფეისბუკ “ლიდერები” თვალში ნაცრის შეყრის პრინციპით რომ ცდილობენ ზემოქმედებას “ფრენლებზე”, მაგას ვინ ჩივის (თავისი აღზრდით!) დილას ოპონენტთა გინებით იწყებენ, “ფრენლები” კი ფეისბუკ მორჩილებით ახალი საქმის დაწყებას ულოცავენ (ჯერ მათთვის სახელდებით ხომ არ მოუწვევია მშობელთა კრება...).

როცა დიდხანს ცოცხლობ, როცა მეტნაკლებად არჩევ გათითოკაცებულ ერისკაცებსა თუ მეღროვეებს, როცა იცი, რომ სახლში ქვისა და კაკლის ქონაზე მნიშვნელოვანი ღირსების შენარჩუნება და უბრალოდ კარგი ქართველობაა ... იღებ “ტაიმ

აუტს”... ვის მიუთითებ მორალზე თანაც მათ მომავალში სადაც გამალებულად აგროვენ ქვასა და კაკალს, რა დროს სამშობლოა...

ნუთუ “ჟანგმა მიწა(ც)” შეჭამა, ჩვენ კი კაკლის მოტაცებაში გამეცადინებულ წრუწუნებს დავემსგავსეთ ცნობილი ქართული მულტფილმიდან.

იქნებ ხელოვნურადაა შექმნილი “უჰაერო სივრცე”? ეს კოსმოსური მუდმივაა და არა ვირტუალური მამყაროს წარმონაქმნი, ეს არის დრო, როცა ხვდები, გაქრა გაურკვეველი პირველი შთაბეჭდილების ხიბლი, თვალგამა კარგა ხანია დაისწავლეს უმცირეს ნიუანსთა გარჩევა, სულ უფრო გაჭირდა თავის მოტყუება, თავად შიში გაქრა, რადგან დრომ უხალისოდ და თავისდაუნებურად გასცა გონიერების ათვლის წერტილი - მართლაც, მოძრაობა და მხლოდ მოძრაობა ყოფილია ჩვენი ცხოვრების ძალისა და დონის მომცემი, სხვა დანარჩენი ტყუილია.

კიდევ კარგი, ჯერ კიდევ ლეთარგიების (ლეთარგია - ავადმყოფური მდგომარეობა, რომელიც ჰგავს ღრმა ძილს; დამახასიათებელია უმოქმედობა, გარე გამოწვევებზე რეაქციის უქონლობა და მისთ.; შეიძლება გრძელდებოდეს რამდენიმე საათს ან რამდენიმე დღე) მიღმა არსებობს სივრცე, სადაც ადამიანები უაზროდ ზრუნავენ ერთმანეთზე, უყვართ, აქვთ სიმართლის და პატიოსნების განცდა და სამშობლოს სიყვარული მერკანტილურ კალაპოტში არ გამოუშვებდნენ, ჩონა არ აცვიოთ, მაგრამ ყველა იმ სიკეთეს ატარებენ, თაობიდან თაობაზე გადმოცემულ სისხლში გამაჯდარ პატრიოტიზმს რომ ახლავს; 9 აპრილსაც დავალების გარეშე იკრიბებიან და პატივს მიაგებენ უახლესი ისტორიის გმირებს.

1989 წლის 9 აპრილს, მთავრობის სახლის წინ შეკრებილი ერი და ბერი მზად იყო თავი გაეწირა საქართველოს დამოუკიდებლობისათვის... აკი 21 ქართველი მოკლეს ... დანარჩენები გადავრჩით და ყოველცისმარე თუ არა, ყოველ 9 აპრილს გვაქვს საშუალება საკუთარ თავს ვუთხრათ - მოვესწარით საქართველოს დამოუკიდებლობას!

კიდევ კარგი!

კიდევ კარგი, არსებობს სივრცე, სადაც არსებობს აგრძელებს ის, რაც მაქციაამდროვეების დიდი მეცადინეობით დროთა განმავლობაში, პერმანენტულად განიდეგნა რეალური ყოფიდან, მაგრამ მაინც ინარჩუნებს არსებობას, როგორც ეროვნული თვისებებისა და ხასიათის ღრმა განცდა...

ნანა მერებაშვილი.



### მარჯი გამარჯვებულს

“მარჯი” - ძველქართული ტერმინი, საიდანაც წარმომდგარია “მარჯვენა” და “გამარჯვება” (საპირისპიროდ “მარცხენისა” და “დამარცხებისა”).

ამ ქართველი ვაჟკაცის ფიზიკური შესაძლებლობები ამოუცნობია. შეჯიბრებიდან შეჯიბრებამდე აოცებს ევროპასაც და მსოფლიოსაც. შავიზღვისპირა ბათუმშიც ახლახან ბითუმ-ბითუმ

რეალობაა: “იაპონია – 2020” ლაშასია! მერე კიდევ და კიდევ! ძალოსნობაში “ასი” ჩემპიონი და აწ გალევდებულნი მწვრთნელი გიორგი ასანიძე მისგან დასტურს იღებს, – შტანგას დააწონეთო,



“დაამბმა” ევროპა მსოფლიოს რეკორდებით. ის მხოლოდ ერთი გვარის, ოჯახისა და ქვეყნის შვილი აღარაა. ძალოსნობის განვითარების სადღეისო ეტაპზე მისი თავგადასავალი, ჩვენებური დეკემბრის შედეგების გამო, ახალ კვალიფიკაციებსა და რეკორდებს იგონებენ, ლაშა კი მისებურად მუსრავს მეტოქე მოფიცარნაგებებს და რომელ ქვეყნებშიც ზედიზედ ფანტასტიკურ რეკორდებს აფიქსირებს, იქაური სპორტის მოხელეები ჩვენებურს სულაც საპატიო მოქალაქედ უნდა ირჩევდნენ, ესოდენი რეკორდირება – წარმოჩინების საფასურად და სამაგიეროდ. საგაისო ტოკიოს ოლიმპიადა? – უცხადესი

რამდენიც გინდათ და შეუკვეთეთო ნებისმიერი სიმბიძე!  
შენ გაიხარე, საჩხერელი კობა ტალახაძისა და ჟანა თოდაძის უსაამაყესო ძეო და ყველა ქართველის შვილო, ქართველი კაცის გულის განხარებისათვის, გაამაყებისათვის! შენ სახელზე კასპშიც ავაფრიალეთ დროშა და სადღეგრძელოებსაც იმდენჯერ “აეწვევთ”, რამდენჯერაც გვაქართველებს! რამდენჯერაც ახალ რეკორდებს მიუძღვნი შენი გულის ქალბატონებს – ანი დემურისას (მეუღლეს) და ჯერეთ ნეკოდენა მარიამს (წლეუანდელ მარტში სამზოვზე მოვლენილ ასულს)!  
ა. ტალახაძე.



### ვინ არის ვაჟი აშვილი?

ვალერიან (ვაკო) იაშვილი (უმცროსი) კავთ უ რ ი ს ე ო ბ ე ლ ი ძველთაობელი მოჭიდავეების ჩამომავალია:  
– ის ახლახან გამოჩნდა ქართული ძიუდოს ახალგაზრდული ნაკრების სახლში და თბილისური “გრან პრის” კვარცხლბეკზე პირველი მედალიც აიკაფა მკერდზე;  
– ის შვილია ახლო წარსულში ცნობილი მოჭიდავისა – სარდიონ იაშვილისა: სამბოში ევროპის ჩემპიონისა და მსოფლიოს ვიცე-ჩემპიონისა!  
– ის შვილიშვილია აწ განსვენებული

ვაჭიდაობის გულშემატკივრებს, – კიდევ ერთი იაშვილი მოვდივარ, უკვე ჩემი რიგია!  
– ის შთამომავალი და ახალძიური ნერვია პეპერებისა (პაპა ვალერიანის პაპებისა): იმ ლუკა იაშვილისა – ვინც კავთისხევში ერთხელ, თურმე, ქართულ კლასიკურ მწერლობაში “მთის არწივის” სახელით ცნობილ ვაჟა-ფშაველას (იგივე ლუკას, რაზიკაშვილს) დაჭიდ(ილ)ებია! იმ ლონდრე მონასელიძისა – ვისაც ხშირად უჭიდავია “მეფის ქალაქში”, სოფელ ახალქალაქში (თემის ხეობაში) იქაური 100-წლოვანი კაკლის ჩრდილოვან



ვალერიან იაშვილისა: ცნობილი მოჭიდავისა და მსაჯისა! იმ პაპისა, რომლის სახელობის დიასაჰიდაო არენის გახსნისას (2013) პატარა ვაკომაც იჭიდავა და სადებიუტო გამოსვლით აუწ-

ქოლგაქვეშ, გასული საუკუნის გარიჟრაჟზე!..  
ახლაც ხომ სხვა საუკუნე აითვლება ახალთაობელი იაშვილების სპორტულ გამარჯვებათა მაუწყებლად.

### ნიჭიერებისა და ერთგულების ხრომეცრი

ბევრს უკვირს, მათ შორის მეც, რა უშრეტი ენერგია და ძალღონე ანდა, რა ნ ე ბ ი ს ე ო ფ ა აქვს ამ ადამიანს რომ პენ-



სიაზე გასვლის შემდეგაც უდიდესი რუღუნებითა და სიყვარულით, დაულალავდ ერთგულებს კალამს.

აი, ახლაც ცხადად მიდგას თვაწინ მისი “ფეის-

ერ კალმოსანს, არაერთი საინტერესო წიგნისა და შესანიშნავი პუბლიცისტური ნაწარმოების, მოთხრობისა თუ საუცხოო პოეზიის ავტორს, ქართული ლიტერატურისა და კულტურის თაყვანისმცემელსა და დამცველს, ჩვენს კოლეგასა და უერთგულეს მეგობარს ქალბატონ ნორა ედიშერაშვილს საქართველოს მწერალთა შემოქმედებითა კავშირმა ნაყოფიერი შემოქმედებითი და საზოგადოებრივი მოღვაწეობისათვის ღვაწლმოსილის წოდება მიანიჭა...

ეს დიდი აღიარება, დაფასება ნამდვილად არ გააკვირვებია იმ მრავალრიცხოვან მკითხველს, ჩვენს საზოგადოებას, მათ, ვინც კარგად იცნობს ცნობილი ჟურნალისტისა და საამაყო ავტორის მოღვაწეობას...

გ უ ლ ი თ ა დ ა დ ვუერთდებით ღირსეული შემოქმედის სიხარულს და ჩვენს კოლეგას ვუსურვებთ ჯანმრთელობას და შემდგომ წარმატებებს. რუსუდან ხერუაშვილი.



ბუკელი” თანამოაზრეები /მარტო კასპში კი არა, რესპუბლიკის მასშტაბით/, რომლებსაც გამუდმებით ეხმანება, მეტიც, ყველას ასწრებს და უშურველად უნაწილებს თავის გულის სითბოსა და სიყვარულს...  
ს ხ ვ ა თ ა შემოქმედებისა და წარმატების უანგარო, პირუთვნელ დამფასებელს, თავადაც ნიჭი-

ნინო კვაჭანტირაძე  
“ჰეი, თქვენ, ვინც ნიღბებს იკეთებთ, გახსოვდეთ, რომ სწორედ იმ წამს ძალიან შიშვლდებით.”  
“ისე ვეპქევი ჩემს თავს, თითქოს გზაზე თუნუქის კოლოფს მოვაგორებდე.”  
“თუ შენი თავი თან გახლავს, კარგად ვერ იქნები.”  
“გ ა უ შ ლ ე ლ ი ფრთები მაწუხებს.”  
“სიგლახეს ნუ ებრძვი ჩემო თავო, თორემ დაემსგავსები.”

### ფეისბუქ ციტატა

“ადამიანები, როცა მართლებია, ცალ-ცალკე არიან, როცა ტყუიან ერთად.”  
“ ა ვ ა ნ ტ ი უ რ ა , რომელიც ჩვენ წამოვიწყეთ, ცხოვრება აღმოჩნდა.”  
“უდანაშაულოს ცრემლი სამყაროსხელაა!”  
ბესიკ ხარანაული ჩემთვის და ყველასთვის!!

შევიძლიათ, მოგვანოდოთ თქვენი შვილების, შვილიშვილების ორიგინალური ფოტოები, ნახატები, აზრები, ისინი გამოქვეყნდება ჩვენს გაზეთში.

გამოიზიარეთ...ახალი განთიავი...!  
განსვით ჩვენი მყითხველი!

### სასკოლო სპორტული ოლიმპიადა 2019

### ოლიმპიადის მეოთხე ეტაპის მოლოდინები

წარმატებით აგრძელებენ ასპარეზობას კასპის მუნიციპალიტეტის საჯარო სკოლების გუნდები... დასასრულს უახლოვდება სასკოლო სპორტული ოლიმპიადის მესამე ეტაპი /რევიონალური პირველობა/.  
ფრენბურთი /გოგონები/, პირველი ადგილი: სასირეთის საჯარო სკოლა, დირექტორი ნანა

ბარნაბიშვილი, ფიზ. აღზრდის მასწავლებელი ნიკოლოზ მახშიშვილი.  
ფრენბურთი /ვაჟები/, პირველი ადგილი: დოესის საჯარო სკოლა, დირექტორი იზოლდა ციცაგი, ფიზ. აღზრდის მასწავლებელი გოგი ბერძენიშვილი.  
მაგიდის ჩოგბურთში და ბადმინტონში გოგონებშიც და ვაჟებშიც



პირველი ადგილი დაიკავა ახალციხის საჯარო სკოლა, დირექტორი მაია ბროლაძე, ფიზ. აღზრდის მასწავლებელი შამილ ჯანგიშერაშვილი.

ჩვენს მოსწავლეებს ვულოცავთ ამ გამარჯვებებს და წარმატებებს ვუსურვებთ ოლიმპიადის მეოთხე ეტაპზე /ზონალური პირველობა/.

რედაქციაში შემოსული წერილები არ იქნებიან და ავტორებს არ უბრუნდებათ

გაზეთი იბეჭდება შ.პ.ს. კოლმე პრესში

რედაქცია ხელმძღვანელობს თაინისფალი პრესის პრინციპალით. სპაიონის ავტორის პური, შესაქმნა არ ემთხვეოდან რედაქციის პური. მოგანილი ფაქტების სიზუსტეზე პასუხისმგებელია ავტორი. სარედაქციო მასალები და განხილვების შედეგები რედაქცია პასუხს არ აბეჭდს. რედაქციის ნებართვის გარეშე მასალების გამოქვეყნება იკრძალება.

რედაქცია ნანა მერაბიშვილი  
რედაქციის მისამართი: 2600 ქ ქასპი საპაპიის ქ. № 68 ტელეფონი 22-25-76